

四庫全書

經部

欽定四庫全書

經部

毛詩集解卷二

詳校官監察御史

臣孫家賢

通政使司副使

臣莫瞻菴覆勘

總校官降調編修

臣

倉聖脉

校對官中書

臣

高中

謄錄監生

臣

方朝植

欽定四庫全書

毛詩集解卷二

宋 段昌武 撰

召南

說已見周南 朱曰召地名扶風縣有召亭即其地
今雍縣析為岐山天興二縣未知召亭的在何縣
鵲巢夫人之德也國君積行累功以致爵位夫人起家
而居有之德如鴈鳩乃可以配焉

楊曰鵲巢言夫人之德猶關雎之言后妃也蓋自天子至於諸侯大夫刑於家邦無二道也以關雎為文王之妃則鵲巢夫人亦必有主名者若謂皆文王之詩則文王繼世之君非積行累功以致爵位者文王一人之身而有聖賢之異無是道也然則二南之詩

周公作之以風天下無可疑者

朱曰文王之時關雎麟趾之化行于內諸

侯蒙化以成其德而其道亦始于家人故其夫人之德如是當是時之人歌詠以美之當必為一人而作然周公取以為法明夫人之德皆當如是則其義不主于所指之人故序詩者特曰夫人之德而已後言

大夫妻
者倣此

曹曰文王繼王季而有國安得謂之積行累
功以致爵位當是大王王季起家而居有之當是大
姜大任故以其詩屬之召南列于周南之次猶大雅
首叙文王作周之詩而後以綿序文王之興以旱麓
生民序先祖積累之功也然其終也標有梅野有死
麋諸詩序又言被文王之化蓋文王始因大王王季
之所以教推而行之至久於其道而天下化成矣然
後乃歸成焉王道成則風變而為雅矣

維鵲有巢維鳩居之之子于歸百兩御之

毛曰鳩鳩鳩結鞠也鳩鳩不自為巢居鵲之成巢

孔曰

結鞠郭璞云今布穀也

歐陽曰今所謂布穀戴勝

者與鳩絕異惟今人直謂之鳩者拙鳥也不能作巢

多在屋瓦間或於樹上架構樹枝初不成巢便以生

子往往墜雛今鵲作巢甚堅既生雛散飛則棄而去

容有鳩來居之

張曰鵲巢鳩居不必有此理止取

二物為喻猶桃蟲及鳥亦二物

黃曰詩人之意不

在于鵲巢鳩居但以為維鵲能成巢維鳩能居巢鵲

善營而鳩善守也惟國君能積行累功故能致爵位

惟賢女有夫人之德

百兩百乘也

孔曰車有兩諸侯

故可以配乎國君

輪故稱兩

之子嫁於諸侯送御皆百乘鄭曰御迎也東萊

曰詩人本取鳩居鵲巢以比夫人坐享成業蓋非有

婦德者殆無以堪之也

榮陽公曰但取鳩之不自為巢而居鵲之成巢非取鵲之

強而不淫知歲之所在亦非取鳩有均養之德也張曰惟其專靜均壹能端然享之是乃夫人之德也有所作為則非婦道矣既曰婦人無攸遂雖拙何害婦人之德貴乎靜正惟其有從一之志而無取乎能為之巧惟其能循法度而不貴其自出法度惟其能不失職而不貴其無所不職婦人而欲法度自己出則必變亂家法自能其能失婦人之分侵男子之事非天下之常也恒之六五曰婦人貞吉從一而終也夫子制義從婦凶也詩人所以有感于鳩居鵲巢其意亦微矣哉

維鵲有巢維鳩方之之子于歸百兩將之

毛曰方有之也

蘇曰據也

將送也

鄭曰家人送之良人迎之孔曰宣五年曰齊

高固及子叔姬來反馬何彼穠矣王姬之車天子至大夫皆有留車反馬之禮故泉水云還車言邁箋云還車者嫁時所乘之車也在百兩將之之中

維鵲有巢維鳩盈之之子于歸百兩成之

毛曰盈滿也

鄭曰滿者言衆媵姪娣之多

朱曰成成其禮也

曹曰

成其為夫人之尊也又曰咏味鵲巢一詩蓋與關雎之義同關雎之詩未嘗言后妃之德而言詩人欲以琴瑟友之欲以鐘鼓樂之則后妃之德可知鵲巢之詩未嘗言夫人之德而但言詩人以百兩御之將之成之則夫人之德可知后妃之德宜如關雎夫人之德宜如鵲巢二詩為二南之首聖人之意深也

鵲巢三章章四句

采繁夫人不失職也夫人可以奉祭祀則不失職矣

楊曰夫人為宗廟社稷主以共祭祀為職

于以采繁于沼于沚于以用之公侯之事

毛曰于於也繁皤蒿也

孔曰白蒿也然則非水菜謂於其傍采之也曹曰陸草

也然采之必于池沼渚沚山澗之中者就以潔之也

沼池沚渚也

說文曰小渚曰沚小洲曰渚

公侯夫人執繁采以助祭

孔曰為菹以供豆實祭統曰夫人薦豆是夫人

助祭以豆為重

劉曰尊祭祀故直謂之事春秋有事於太

卷二
廟大事於太廟是也

于以采繁于澗之中于以用之公侯之宮

毛曰山夾水曰澗宮廟也

曹曰莊二十三年丹桓宮楹注曰宮廟也定之方中

作于楚宮箋云楚宮謂宗廟也

被

皮奇反

之僮僮

音同

夙夜在公被之祁祁薄言還歸

毛曰被首飾也

孔曰被者少牢云主婦被褐此周禮所謂次也追師掌為編次次第髮長

短為之

所謂髮髻少牢云被褐纁笄笄上有次而已

曹曰按周官內司服掌王后之六服三翟為祭服

首則服副鞠衣告喪之服展衣朝王及見賓客之服

首則服編褕衣御于王及燕居之服首則服次髮髻

即次也非祭服所用侯伯夫人雖自褫翟以下亦不當以次為祭服也孔穎達知其不可乃復為之說曰被之僮僮為祭前在事之儀被之祁祁為祭畢去事之儀元不及正祭之服理豈得安按此夫人乃在商時不當以周之

僮僮竦敬也

劉曰步雖移而被不動之貌

夙早也

孔曰早祭日之晨夜祭祀之先夕先夕則視滌濯早則視饔饗

朱曰公公所也謂宗

廟之中非私室也

毛曰祁祁舒遲也去事有儀也

鄭曰還歸自廟還燕寢也

朱曰祭之日及祭之

夜陶陶遂遂如將復入然不欲遽去愛敬之無已也

陳曰在公則竦敬還歸則舒遲其禮容中節如此

張曰僮僮竦而敬也祁祁敬而舒也不獨賦其在公之時而復賦其還歸之際蓋于是人情易以懈怠惟平時一于敬故於此亦不失也段曰祭畢未始不敬但稍和易也鄉黨曰攝齊升堂鞠躬如也出降一等怡怡如也

黃曰國君夫人采繁有常處奉祀有常禮

將祭則僮僮而敬將歸則祁祁而和此豈勉強所能至乎作序者曰可以奉祭祀則不失職可以云者是亦以夫人之德言之歟事親必若曾子而後可奉祭祀必若采繁之夫人而後可左傳言可以薦鬼神可以羞王公此詩言可以奉祭祀皆有深意學者當自

求之 姜曰鵲巢言德如鳴鳩不能自營則宜若樸
拙而無能者及觀采繁於沼沚而用之於公侯之事
在公則僮僮其敬有肅肅在廟之意還歸則祁祁其
和有雖雖在宮之意然後知鵲巢之德如鳴鳩非果
拙也無為其所不為是以能奉宗廟而不失其職之
所當然者乃前日拙誠所致也 朱曰或曰繁所以
生蠶蓋古者后夫人有親蠶之禮此詩亦猶周南之
有葛覃也宮即記所謂宮桑蠶室也公亦即所謂公

桑也事益蠶事也

采繁三章章四句

草蟲大夫妻能以禮自防也

王曰夫婦之際或至於敝而不終者無禮以自防故也

嘒嘒

於遙反

草蟲趨趨

託歷反

阜螽未見君子憂心忡忡

中敕

反

亦既見止亦既覯止我心則降

戶江反

毛曰興也嘒嘒聲也草蟲常羊也

孔曰釋蟲云草蟲負螯郭璞曰常羊

也陸云大小長短如蝗而青也超超躍也阜螽螻也孔曰釋蟲云阜螽螻也李巡曰

蝗子也歐陽曰按爾雅阜螽謂之螻草蟲謂之阜螽形似蝗而異種生於陸阜曰阜螽生於草間曰草螽

忡忡猶衝衝也止辭也覲遇也降下也鄭曰草蟲

鳴阜螽躍而從之朱曰召南之大夫行役在外其

妻獨居見此二物以類相從似有陰陽之性因感時

物之變而思其君子恐不得保其全而見之也

毛曰婦人

雖通人有歸宗之義范曰未見君子憂心忡忡者

憂心不當夫也婦人之從君子豈以為必得當之哉見禮則進不見禮則退故古之嫁者三月而後反馬所以養廉恥也姜曰其戒懼之意如此或曰汙俗

之漸革乎不然男子役而婦人獨居亦常事耳況為大夫之妻而惴惴然僅免于濫何足云者鄉射食饗之樂歌三篇含草蟲而取采蘋蓋謂是也

陟彼南山言采其蕨未見君子憂心惛惛

張劣反

亦既見

止亦既覯止我心則說

毛曰蕨鼈也惛惛憂也 朱曰非必大夫妻親出采

蕨蓋言今其時矣 歐陽曰婦人見時物之變新感

其君子 張曰未見則憂既見則喜性情之正也

曹曰

此正一
之情也

陟彼南山言采其薇未見君子我心傷悲亦既見止亦既覯止我心則夷

毛曰薇菜也

乳曰山菜也莖葉似小豆蔓生可作羹亦可生食也

夷平也

草蟲三章章七句

采蘋大夫妻能循法度也能循法度則可以承先祖共祭祀矣

東萊曰自天子之后妃至於大夫之妻共由一道因其所處之廣狹而有斂舒焉又曰采蘋以職言舉

其網也采蘋以法度言詳其目也尊卑之辨也

于以采蘋南澗之濱于以采藻于彼行潦

音老

毛曰蘋大萍也

孔曰郭璞曰今水上浮萍

濱厓也藻聚藻也行潦

流潦也

陸曰藻水草也生水底其一種葉如雞蘇其一種莖大如釵股葉如蓬蒿行潦道路之上

流行之水釋文曰韓詩云沉者曰蘋浮者曰藻

王曰采蘋必於南澗之濱

采藻必於行潦言其所薦有常物所采有常處也

于以盛

音成

之維筐及筥

居呂反

于以湘之維錡

宜綺反

及釜

毛曰方曰筐圓曰筥湘烹也錡釜屬有足曰錡無足

曰金 王曰言其所用有常器也 劉曰言其誠信之至事事必躬也

于以奠之宗室牖下誰其尸之有齊

側皆反

季女

毛曰奠置也宗室大宗之廟也大夫士祭於宗廟奠

於牖下

孔曰祭在與西南隅牖下則室中西南隅所謂與也

朱曰室前東戶西牖曹曰牖在

戶西則宗廟室之牖下正是室之西南隅也

尸主齊敬也

曹曰齊者所以致其精明之德

也禮曰將祭之日君致齊于外夫人致齊於內然後會于太廟乃可以交于神明也

季少也蘋

藻薄物也澗潦至質也筐筥錡釜陋器也少女微主

也

劉曰大夫之妻也

王曰宗室牖下言其所奠有常地也

自所薦之物所采之處所用之器所奠之地皆有常而不敢變此所謂能循法度東萊曰采之盛之湘之奠之所謂者非一端所歷者非一所矣煩而不厭久而不急循其序而有常積其誠而益厚然後祭事成焉季女之少若未足以勝此而實尸此者以其有齊敬之心也大夫之妻未必果少特言苟持敬則雖少女猶足以當大事云爾

朱曰祭祀之禮主婦主薦豆實以醢醢有齊季女則

幽閒貞靜之至也能循法度也宜哉姜曰以季女稱大夫妻取其大質未散猶孟子以赤子之心稱大人也曹曰桑中所刺言孟姜孟庸孟弋孟則長矣長者然則季者可知此詩言有齊季女季者齊則長可知也告往知來始可與言詩陳曰漢霍光宿衛二十餘年每出入下殿門進止有常處郎僕射竊識視之不失尺寸

觀大夫之妻能循法度當如光之所謂不失尺寸者

采蘋三章章四句

甘棠美召

時照反

伯也召伯之教明於南國

毛曰召伯姬姓食采於召

釋文曰召康公奭燕世家云與周同姓燕在周禮幽

州之域今涿郡薊縣是也孔安國及鄭皆云皇甫謐云文王之庶子按左傳富辰言文之昭十六國無燕未知士安之言何所憑據 孔曰食采文王時為伯武王時樂記

武王伐紂五成而分陝周公左召公右是也

段曰此詩陳文

王初變商俗之事而詩之作則在武王之時 蘇曰詩稱召伯思之者之詞也

曹曰繫之

周公則自雍州以至荆揚東南之域也故武王伐紂

有庸蜀羌髳微盧彭濮八國之人為助其服周之化

久矣 段曰諸侯之風言先王之所以教而周南不

言教不稱婦職不說制度從政之言豈非心術念慮

之微乃法度政教之本原乎

蔽芾甘棠勿翦勿伐召伯所茇

蒲局反

曹曰蔽芾陰翳茂盛貌毛曰甘棠杜也

孔曰今之杜梨白為

棠赤為杜陸曰今棠梨

朱曰翦其枝葉伐其條幹

鄭曰茇

草舍也

孔曰周禮仲春教茇舍注云舍草止也然則茇者草也草中止舍故曰茇舍朱曰止於

其下以自蔽猶草舍耳非真作舍于其下也

王曰召伯觀省風俗或茇

甘棠之下以受民訟曹曰因其陰翳茂盛而舍其

下左傳曰思其人猶愛其樹

劉曰召伯存之時常憩息此甘棠之下今

其人雖不在猶當勿伐此棠蓋觀其物則思其人思其人則愛其樹得人心之至也說者謂召伯不重煩勞百姓止舍棠下是為墨子之道也

李曰此豈有刑法驅之使然哉

於棠且然則奉其教者何如也 姜曰大凡居人上

者必其心之傲虐也往往識度不弘修飾邊幅儼然

尊大扞格而不相接雖有善教何自而能明召伯以

侯伯之尊平易近民悠然田里屬其民而教召之莫

不曲盡其情人心浹洽自然難忘於所蒞以思其簡

易於所憩以思其綢繆於所說以思其循循善誘之

意皆由平易近民而人情浹洽也豈必有以結民哉

蔽芾甘棠勿翦勿敗召伯所憩

起例反

朱曰敗折也 毛曰憩息也 朱曰勿敗則非特勿

伐而已愛之愈久而愈深也

蔽芾甘棠勿翦勿拜召伯所說

本作稅

王曰拜謂屈之而已

董曰施士弓曰拜如人之拜小低屈也 姜曰攀屈而磬折之

毛曰說舍也 黃曰一篇大抵形容斯民思召伯

之深而愛其所舍之木非愛其木也愛其人也

甘棠三章章三句

行露召伯聽訟也哀亂之俗微貞信之教興彊暴之男不能侵陵貞女也

鄭曰此殷之末世周之盛德當文王與紂之事朱
曰召南之風非一國其被化必有淺深此詩之作其
被化之未純者歟是時當文王與紂之事文王之教
既興則紂之舊俗微矣故其女子能有貞信自愛之
心然以其未純也故猶未免有彊暴侵陵之患必待

獄訟之明而後察與夫漢廣異矣

段曰漢有游女不可求思貞靜端莊

之德感人心于無競遠恥辱于動容貌之中其視自求伸于獄訟者為如何要之周南固無是詩而騶虞純被之後召南亦不宜有是詩也此詩皆女自訴之辭或曰詩人述之歟姜曰倘是女子得理故作是詩以稱召伯耳若如解者之說則是貞信之教偏及女子而不能化男子也使別有訟偶是男子得理則貞信之教又先及男子乎說詩所以惡于固也段曰江漢之男子幾不自克于非禮之私而行露之貞女乃斷然自辨于強暴之訟也如此要之男女有剛柔之異體剛者動常多體柔者靜常多動常多不刺則不復靜常多剝即得復矣動者難返靜者易復鐘聲一也靜者知之而躁者不知靜近于本而過于動者必遠於本也

厭

於葉反

浥

於反

行露豈不夙夜謂行多露

毛曰厭浥濕意行道也 鄭曰夙早也 左傳注曰

豈不欲早暮而行懼多露之濡已以喻違禮而行必

有汙辱 朱曰女子自述已志曰道間之露方濕我

豈不欲早夜而行乎畏多露之沾濡而不敢耳蓋以

女子早夜獨行或有强暴侵陵之患故託以行多露

而畏其沾濡也

陳曰貞女保身雖衣服猶恐汚染彼且直以彊暴而逼我

黃曰此貞女

述其平日自愛之意淫奔之詩曰無感我帨兮恐其汚我之帨此不使不仁者加乎其身之心也而其拒

非禮之意則甚
和平而婉曲矣

段曰剛特不移之節終期自信而

不誣蓋惟先有以明人心之正信而聽訟之明則其

次也

誰謂雀無角何以穿我屋誰謂女音汝無家何以速我獄

雖速我獄室家不足

陸曰雀有味而無角

東漢注云角謂觜蓋方言則然也

毛曰速召

獄堦也

孔曰鄭駁異義曰堦者因證于堦核之處

鄭曰人皆謂雀之穿

屋似有角彊暴之男召我而獄似有室家之道於我

物有似而不同雀之穿屋不以角乃以喙今彊暴之

男召我而獄不以室家之道於我乃以侵陵

朱曰無室家之

道而致我於獄言其彊暴之甚也

物與事有似而非者

曹曰疑似之間所以致訟

黃曰辨疑似必在于明者

室家不足謂媒妁之言不和六禮之

來强委之

段曰室家之道但曰不足則亦非全無者矣此其所以疑似當辨也

朱曰

不知汝雖能致我於獄而求為室家之禮初未嘗備

如雀雖能穿屋而實未嘗有角也

誰謂鼠無牙何以穿我墉誰謂女無家何以速我訟雖

速我訟亦不女從

楊曰牙牡齒也鼠無牡齒

陸曰鼠有齒而無牙
曰鼠之穿墉以足而不以

牙
毛曰墉墉也 朱曰言汝雖能致我於訟然求

其為室家之禮有所不足則我亦終不汝從矣 又

曰使貞女之志得以自伸者召伯聽訟之明也 黃

曰或問曰當文王之時關雎鵲巢之化行而猶有彊

暴之男淫奔之風何也曰當是時周家貞信之教方

興而商人衰亂之俗未殄比如一陽來復之時陽雖

有將盛之勢而五陰猶未却以遯陽則草木之摧敗
猶有所不免自二南極而至于王道之盛則自復而
臨自臨而泰之時也孔子曰片言可以折獄者其由
也與又曰聽訟吾猶人也必也使無訟乎人能片言
折獄則巧辨者無所施其姦木訥者得以盡其辭然
能聽訟而未能使之無訟則亦未足為風化之至故
自大車之序觀之則行露之詩固已為召伯盛德之
事自虞芮質成文王蹶生之詩觀之則召伯之聽訟

又不若文王之使無訟也

行露三章一章章三句二章章六句

羔羊鵲巢之功致也召南之國化文王之政在位皆節儉正直德如羔羊也

張曰羔羊既言鵲巢之功致又言化文王之政國君之夫人以被文王之化故能成鵲巢之德召南之大夫以被鵲巢之化故有羔羊之德 朱曰衣裳有常制進止有常所其節儉正直亦可見矣

姜曰後世不達遂至牽合

鵲巢之功為文王之功多為飾說以求合序詩之文
又以素絲五紵為裘敝不易但加縫焉以合節儉之
語夫詩序本為後人說詩後人反或以詩說序每每
遷就而求合其於詩也遠矣大凡詩人之詞簡易平
直而意則獨至惟能以平易讀之不為遷就吟咏風
人之意則語在目前而意獨悠遠然後為有功其詩
曰委蛇委蛇退食自公亦無可稱之善又無可述之
功衣羔羊五紵之裘委蛇退食其賢自見鵲巢之功
可想而見矣此所以有風人之妙思非
後世刻畫之比節儉正直何足言哉

呂曰德如

羔羊如羔羊之詩也或曰猶言好賢如緇衣惡惡如

巷伯也

曹曰若以正直之德如羔羊然後服羔裘為
正則古者狐白裘狐青裘狐黃裘麕裘貉裘

狸裘其制不一又
可盡為之說哉

段曰徒善不足以為政政亦烏

可廢者而文王則非徒政之謂也精神心術在其中矣於文王之政之中識其精神心術之運始之以檢押防範而卒自悟于聲色之外焉是之謂化文王之政充之則為聖賢可也何但節儉正直哉

羔羊之皮素絲五紵

徒何反

退食自公委

於危反蛇

音移委蛇

毛曰小曰羔大曰羊素白也

孔曰鄭注周禮司服其諸侯視朝及卿大夫等

用黑羔裘以玉藻云黑裘緇衣以裼之又鄭注論語云諸侯視朝之服也曹曰士冠禮云生人玄冠朝服緇帶素鞞玄冠委貌冠也朝服十五升布衣也鞞與裳同色故素裳則素鞞衣與冠同色故玄冠則朝

服之正色亦玄也朝服既玄故用黑羔裘而以緇布為衣以楊之其上乃加朝服此諸侯日視朝之服也而卿大夫亦服之其所異者君則純色臣則以他物飾其裘所謂羔裘豹褰羔裘豹祛是也

也

孔曰此言純數下言總數謂純總之數有五非謂純總為數也

古者素絲以英裘

不失其制大夫羔裘以居

孔曰素絲為組紃以英飾裘之縫中若為線則所以

縫非飾也內則注云紃條也組亦條之類曹曰一裘之功必合衆皮而成故縫殺不一姜曰五純者古之君臣通一羔裘即以素絲為節大夫四命其出封皆加一等則衣服以五為節亦猶天子之冕十二旒上大夫七下大夫五諸侯之上大夫視天子之下大夫則其服以五為節明矣故以素絲文飾裘縫而謂之五純若必牽合節儉之說以為敝而加縫則三章當有多寡如標有梅之或七或三可也何必五縫

乎兼于旄有素絲良馬之禮取其飾也敝而縫之乃加以飾可乎然善于讀詩者此等皆不必辨詩意既不在此但平易讀之可也

范曰退食退而食於私家也 朱曰

自從公朝也

毛曰委蛇行可從迹也

鄭曰委曲自得之貌 東

萊曰惟其出入皆可從迹則仰不愧俯不忤而從容自得毛鄭皆一說也 張曰重言委蛇者舒泰而有餘裕也此獨賦其退食之際蓋于此時而然則其在公之正直可知矣不然有所愧于中則其退也亦且促迫急遽之不暇寧有委蛇之氣象哉

羔羊之革素絲五緘

音域

委蛇委蛇自公退食

毛曰革猶皮也

孔曰說文謂獸皮治去其毛曰革對文則皮革異散文則皮革通司裘曰

大喪飾皮革謂革輅也去毛絨縫也孔曰縫合羔羊得稱皮是有毛得稱革也皮之界絨因名裘縫曰絨五絨既為縫則五絨五總亦為縫也視之見其五故曰五焉鄭曰

自公退食猶言退食自公

羔羊之縫

符龍反

素絲五總

子公反

委蛇委蛇退食自公

毛曰縫言縫殺之大小得其制總數也王曰朝夕

往來出公門入私門出私門入公門而已終無私交

之行也

羔羊三章章四句

殷音隱其雷勸以義也召南之大夫遠行從政不遑寧處

其室家能閔其勤勞勸以義也

鄭曰召南大夫召伯之屬

曹曰召南以上公而為伯故其屬有大夫

孔曰左

傳曰伯與之大夫瑕禽亦此類也注曰伯與王卿士也

殷其雷在南山之陽何斯遠斯莫敢或遑振振君子歸哉歸哉

朱曰興也毛曰殷雷聲也山南曰陽何此君子也
遑去也遑暇也振振信厚也張曰如鶴鳴婦歎之

義將風雨則思念行者也 朱曰何斯斯此人也遠

斯斯此所也何此君子獨去此而不敢少暇乎 黃曰何至

此而復遠於此乎何其不敢遑暇而少息也 歸哉歸哉冀早畢事而還歸

也閔之深而無怨辭所謂勸以義也 段曰歸哉歸哉思之深長言則

婉矣 呂曰此勸以義也再言歸哉者欲謹其歸以復命也遠行從役不辱君命然後可以言歸

殷其雷在南山之側何斯遠斯莫敢遑息振振君子歸

哉歸哉

毛曰息止也

殷其雷在南山之下何斯遠斯莫或遑處振振君子歸
哉歸哉

毛曰處居也 曹曰自陽而至於側自側而至於下
言其役之愈遠而不已也

殷其雷三章章六句

標婢小有梅男女及時也召南之國被文王之化男女

反

得以及時也

范曰昔者聖人觀天地萬物之情因民之有男女而

制為昏禮使之夫婦有別以相生養以相代續是以
關雎言后妃之德而至於男女以正昏姻以時鵲巢
言夫人之德而至于男女得以及時桃夭美其盛也
故以桃喻標有梅欲其早也故以梅喻東山言嫁娶
之候亦曰倉庚于飛熠燿其羽聖人觀草木蟲魚之
變意未嘗不在民也 曹曰有昏姻之時有男女之
時霜降以後冰泮以前昏姻之時也三十而娶二十
而嫁男女之時也 朱曰述女子之情欲昏姻之及

時也視桃夭則少貶矣行露死麕於漢廣亦然

標有梅其實七兮求我庶士迨其吉兮

毛曰興也標落也 朱曰梅木名 鄭曰庶衆迨及

毛曰梅尚在樹者七

曹曰所落者方十之三

朱曰吉卜而

得吉也

曹曰男家自納采問名之後乃卜之于廟俟得吉卜然後納吉納聘至請期夫家又卜焉

必得吉日然後使使者往告之

歐陽曰興物之盛時不可久惜其

盛年難久而懼過時也

曹曰此詩毛傳以梅落興女年之衰鄭箋以梅落興時之

衰竊求詩人之意毛傳是矣鄭惟誤以仲春為昏姻之時故其說每失之孔穎達釋鄭意謂梅實未落十

分在木即仲春之月也即以仲春為昏姻之正時失之彌遠則時益衰在木者七其落尚少謂孟夏也在木者三其落盛多謂仲夏也頃筐堅之十分皆落謂季夏也此康成所謂時也然晉綢繆乃國亂而昏姻不得其時之詩一章曰三星在天康成以為三月之末四月之中二章曰三星在隅康成以為四月之末五月之中三章曰三星在戶康成以為五月之末六月之中其所序時節大抵與標有梅相類而在標有梅則為得昏姻之時在綢繆則為失昏姻之時何以為異哉

朱曰此一時也

標有梅其實三兮求我庶士迨其今兮

毛曰在者三也

曹曰所落已十之七

今急辭也

蘇曰失今則

過矣朱曰此又一時也

段曰其汲汲于保情性求復于禮之心乎

標有梅頃

音傾

筐陞

許器反

之求我庶士迨其謂之

毛曰陞取也不待備禮也

歐陽曰謂者相語也遣

媒妁相語以求之也

朱曰此又一時也

東萊曰

是詩也其辭汲汲如將失之豈習亂而喜始治者耶

蘇曰凡詩每章有先後淺深之異如此詩及中谷

有推晉無衣之類固自有說若樛木蠡斯之類皆意

不盡申殷勤而已欲強求其說則迂雜而不當矣

段曰行露已速於獄而猶斷斷乎其自辨標梅惜時

之過而汲汲乎猶恐失之充行露之心則標梅之心見矣 陳曰此詩每章愈急何也皆聖人之慮天下也血氣既壯難於自檢情實一開奚暇顧禮故昏姻欲及時者所以全之於節行未破之先學欲及時者所以全之於志慮未分之日

標有梅三章章四句

小星惠及下也夫人無妬忌之行惠及賤妾進御於君知其命有貴賤能盡其心矣

孔曰曲禮下云公侯有妾謂在九女之外

段曰女御掌御叙于

王之燕寢凡羣妃御見之法女御八十一人當九夕
世婦二十七人當三夕九嬪九人當一夕三夫人當
一夕后當一夕十五日而遍自望後反之宮闈之政
天叙所存王者起居寢處之叙天理行焉故晦日坤
與乾會望日乾與坤對天位太極而統動靜流通變
化不可方體非地所得拘也地以方正順承而已故
自夫人以至御妾皆有當
夕之時而為配合之義

呂曰夫人無妬忌之行

而賤妾安於其命所謂上好仁而下必好義者也

張曰

不妬忌者夫人之行知命之不可踰者
為妾之道所當然此皆率其天理者也

姜曰小星

言惠及下江有汎言美媵既言惠及下矣安得不以

其媵備數者乎蓋小星為夫人而作故先述惠下之意而後及媵妾之安分江有汜為美媵而作故先言上下之分而後及和樂之情

嘒呼惠反彼小星三五在東肅肅宵征夙夜在公寔命不

同

朱曰興也 毛曰嘒微貌小星衆無名者也三心五

噍四時更見

鄭曰心在東方三月時也噍在東方正月時也 孔曰心實三星五是噍釋天

云噍謂之桺則噍者桺星也以其為鳥星之口故謂之噍 朱曰三五言其稀蓋初昏或將旦時也於義

無所取特取其東在公兩字之相應肅肅疾貌

孔

耳黃曰小星喻衆妾三五喻夫人也

肅肅疾貌

孔

書傳曰古后夫人將侍君前息燭後舉燭至于房中
釋朝服襲燕服然後入御于君雞鳴大師奏雞鳴於
階下然後夫人鳴玉佩于房中告去由此言之夫人
往來舒徐而有儀諸妾則肅肅然疾而夜行朱曰
肅肅整齊之貌也宵征夜行也鄭曰夙早也凡妾御於君

不敢當夕

孔曰晚始往及早則歸異于夫人也曹曰康成謂諸妾隨夫人以進御也內則曰

妾雖老年未滿五十必與五日之御古者諸侯一娶九女姪娣兩兩而御則三日也次兩媵則四日也次夫人專夜則五日也夫人專夜安得與衆妾並進哉

朱曰命所賦之分也衆

妾進御于君不敢當夕見星而往見星而還故因所

見而起興遂言其所以如此者由其所賦之分不同於貴者是以深以得御於君為夫人之惠而不敢致

怨于往來之勤也

段曰近之而不敢不孫者必達之而不敢怨者也

嘒彼小星維參

所林反

與昴肅肅宵征抱衾與裯

直留反

寔

命不猶

毛曰參伐也

孔曰天文志云參白虎宿三星直下有三星銳曰伐

昴留也

孔曰言物

成就繫留也釋文

曰二星皆西方宿衾被也裯裯被

禮記玉藻注裯無裏

曹曰裯毛公

以為裯被則音倚鄭以為床帳則音厨

猶若也

程

曰賤妾得進御於君是其僭恣可行而分限得踰之時也乃能謹於抱衾與裯而知命之不猶則教化至矣

小星二章章五句

江有汜音杞美媵也勤而無怨嫡能悔過也文王之時江

沱之間有嫡不以其媵備數媵遇勞而無怨嫡亦自悔也

鄭曰古者諸侯娶夫人則同姓二國媵之

孔曰嫡謂妻也媵謂

妾也古者女嫁必姪娣從謂之媵士昏禮云雖無娣媵先言姪若無娣姪猶先媵是士有姪娣但不必備耳喪大記大夫撫姪娣是大夫有姪娣矣公羊傳曰諸侯一娶九女二國媵之所從皆名媵獨言二國者異國主為媵故特名之其實雖夫人姪娣皆名媵也鄭氏士昏禮注云姪兄之子娣女弟也娣尊姪卑曹曰以序言之則先娣姪而後媵通而言之雖娣姪亦媵耳

陳曰序言江沱之

間蓋詩人因是國蓋有是事則指其國之山川以明之江漢汝墳終南之紀堂東門之枌榆皆是也書岷山導江東別為沱是沱為岐西之地故詩人因其分流而為沱以起興朱曰是時汜水之旁媵有待年

於國而嫡不與之偕行者其後嫡被后妃夫人之化

乃能自悔而迎之

蘇曰不敢怨而俟其悔耳夫不敢怨者乃是使人悔過之道也故小

星欲求衆妾之不敢齒我而不敢以貴賤臨之蓋使之得進御於君而妾不敢與我齒矣江有汜欲求嫡之悔過而不敢以怨言犯之蓋事之不失而嫡自悔矣此善原人情者也

陳曰小星之

夫人惠及媵妾而媵妾盡其心江沱之嫡惠不及媵

妾而媵妾不怨蓋父雖不慈而子不可以不孝各盡

其道而已

黃曰天下豈有誠而不動之理哉人惟能誠於暫而不誠於久未為一善而已先責

人之不我報則其不能感人動物也固宜江沱之媵妾愈勤而愈不敢怨若將終身焉此非勉也誠也誠

之所至天理之所感發夫人安得不自悔乎此至誠
悠久之效也舜處父子之難而益盡其孝文王處君
臣之難而益盡其忠皆此心也

江有汜之子歸不我以不我以其後也悔

毛曰興也決復入為汜

爾雅疏曰凡水決之岐流而復還水所者曰汜

鄭

曰之子謂嫡也婦人謂嫁曰歸 范曰以之為言用

也

東萊曰以如不使大
臣怨乎不以之以

董曰江汎嫡沱汎媵

程

曰其嫡不使備媵妾之數以侍君也汜水之分渚水

之岐沱水之別當使媵妾均承受其恩澤

朱曰言江
猶有沱而

之子之歸乃不我以雖不
我以其後也亦悔之矣

江有渚之子歸不我與不我與其後也處

毛曰渚小洲也水岐成渚東萊曰與如暴虎馮河

吾不與也之與

程曰處得其所處也
范曰處勝得其所

江有沱之子歸不我過不我過其嘯也歌

毛曰沱江之別者

爾雅曰水自河出為澗漢為潛江
為沱孔曰皆大水分出別為小

水之名也禹貢梁州云沱潛既道荊州亦有沱潛者
蓋以水從江漢出者皆曰沱潛所以荊梁皆有也
朱曰今江陵漢陽安
復之間多有此水也
東萊曰過如過從之過不我

過言不我顧也 鄭曰嘯覺口而出聲嫡既覺自悔

而歌

朱曰嘯以舒憤懣之氣言其悔時也歌則得其

所處而樂矣此兼上兩章之意而言易曰震无咎者存乎悔於此見之王風云條其歎矣列女傳云倚柱而歎皆悲嘆之聲也 范曰嫡忘其禍心而和

樂也

東萊曰一章曰其後也悔二章曰其後也處三

章曰其嘯也歌始則悔悟中則相安終則相歡言之序也

江有汜三章章五句

野有死麇

俱倫反

惡

烏路反

無禮也天下大亂彊暴相陵遂

成淫風被文王之化雖當亂世猶惡無禮也

野有死麕白茅包之有女懷春吉士誘之

毛曰郊外曰野 說文曰麕麕也

朱曰鹿屬無角

毛曰白茅

取潔清也包裹懷思誘道也

鄭曰吉士使媒人道成之 東萊曰毛鄭以誘

為道儀禮射禮亦先有誘射皆謂以禮道之古人固有此訓詁也歐陽氏誤以誘為挑誘之誘遂謂彼女懷春吉士遂誘而誣以非禮殊不知是詩方惡無禮豈有為挑誘之行而尚名之以吉士者乎

王曰野有死麕白茅包之禮至薄也而猶愈於無禮

黃曰易曰藉用白茅无咎子曰苟錯諸地而可矣

藉之用茅何咎之有慎之至也死麇之肉人猶以其
可食之故而包之以白茅之潔惟恐為物所汚況吉
士可以誘懷春之女哉此深責男子之辭

林有樸

蒲木反

檉

音速

野有死鹿白茅純

徒尊反

束有女如玉

毛曰樸檉小木也

東萊曰以樸檉為禮意其若致

薪芻之饋之類毛曰死鹿廣物也束猶包之也

黃曰樸檉之薪死鹿之肉以其可用可食而束之以

白茅況如玉之女其可以不自愛乎此深責女子之

辭

舒而脫脫

勅外反

兮無感我悅

始銳反

兮無使厖也吠

符廢反

毛曰舒徐也脫脫舒遲也感動也悅佩巾也

孔曰內則婦事

舅姑佩紛悅注云悅拭物之巾

厖狗也

說文曰厖犬之多毛者

非禮相陵則狗

吠 鄭曰奔走失節動其佩飾 朱曰此述女子惡

無禮之辭言女姑舒徐毋徒動我之悅毋徒驚我之

犬示已心不動必不許也

朱曰毋動我之悅無驚我之犬以甚言其不能相及

也其凜然不可犯之意蓋自可以見於不言之表矣

姜曰此篇詩辭難解未

有的說皆由分章之誤又以反辭作說說所以未通
麋鹿固可食林木固可用至於田野之間無故而忽
有死麋人必惡之樸樛生於林樾之下榛棘蕪穢人
必荒而去之白茅至潔之物其用可重矣古人所以
寓精誠而將禮意也施之包肉束薪已失其宜況又
野死樸樛可賤而不可貴也詩人以關雎興淑女以
刈楚興擇妻則野麋樸樛詩人所不取以之比淫女
明矣故曰野有死麋白茅包之不應白茅包死麋也

有女懷春吉士誘之不應吉士而誘懷春之女也言之未足故二章又曰林有樸檉野有死鹿不惟死麋可賤而樸檉死鹿亦可賤也又可以白茅而包束之乎

闕

--	--	--	--	--	--	--	--

則不驕亢可知也此詩為美王姬而作自應先稱王姬至末章則反覆歌詠之非有他義也

其釣維何維絲伊緡齊侯之子平王之孫

毛曰伊維緡綸也朱曰絲之合而為綸猶男女之

合而為昏也黃曰但言齊侯之子平王之孫宜相

為偶如合絲以為綸也

張曰言釣如何必以絲緡夫婦相接如何必以禮也曹

曰上以桃李為比亦以桃李二物色相敵也言得其配

何彼穠矣三章章四句

騶虞鵲巢之應也鵲巢之化行人倫既正朝廷既治天下純被文王之化則庶類蕃殖菟田以時仁如騶虞則王道成也

楊曰二南正始之道王化之基蓋一體也王者諸侯之風相須以為治諸侯所以代其終也故召南之終至仁如騶虞然後王道成焉王道成非諸侯之事也則一體相須為治可見矣朱曰文王之化始於關雎而至於麟趾則其化之入人者深矣形於鵲巢而

及於騶虞則其澤之及物也廣矣蓋意誠心正之功
不息而久則其薰蒸透徹融液周徧自不能已者非
智力之私所能及也故序以騶虞為鵲巢之應而見
王道之成其必有所傳矣

曹曰王道成則風變而為雅矣此正風之所以終而

小雅之所由始也歟

張曰麟趾關雎之應騶虞鵲巢之應然

則有二歟蓋麟趾之序言公子之信厚則是在內者
無不孚也騶虞之序言蒐田之以時則是在外者無
不格也未有邇之未孚而可以及遠者鵲巢之化是

亦闕睢之所達也然則天下之本在國國之本在家
家之本在身其本一而已矣 朱曰按鵲巢至采蘋
言夫人大夫妻以見當時國君大夫被文王之化而
而能修身以正其家也甘棠以下又見由方伯能布
文王之化而國君能修之家以及其國也其辭雖無
及于文王者然文王明德新民之功至是而其所施
者博矣抑所謂其民皞皞而不知為之者歟 張曰
仁如騶虞此言王道之成如騶虞之詩如緇衣巷伯

之類

彼茁

側旁反

者葭

音加

壹發五豝

百加反

于嗟乎騶虞

毛曰茁出也

朱曰生出壯盛之貌

葭蘆也

朱曰亦名葦

豕牡曰豝

曹曰

田獵本以除害耳豕生子最多而尤害苗稼故爾雅曰豕生三豝二師一特以其生子嘗多故別其少者之名也大蜡迎虎為其食田虞人翼五豝以待公之豕也是以知其多而害稼也

發

孔曰五豝止一發中則殺一而已仁心之至不忍盡殺故也

猶言中必

騶虞義獸白虎黑文不食生物

陸曰騶虞尾長於軀

不復生草

東萊曰麟趾闕雅之應騶虞鵲巢之應意者文王之時二物應感而至故詩人以發興歟

段曰麟趾騶虞之應豈非交物之有道人心
和平物理安泰不猜于物物亦誠焉者耶

歐陽

曰賈誼新書曰騶者文王之囿名虞者囿之司獸也

陳曰禮記射義云天子以騶虞為節樂官備也 朱

曰觀歐陳之說則其為虞官明矣獵以虞為主其實

嘆文王之仁而不斥言也 曹曰射義曰天子以騶

虞為節樂官備也說者以一發五犯為得賢之多故

樂官備非也賈誼新書曰騶者天子之囿名虞者囿

之司獸也齊師亦以騶虞為天子掌鳥獸之官夫司

至于獸則官備可知此詩主言田獵事則誠騶虞之

職也 陳曰按騶虞非獸名見于賈誼之書時諸偽

書未出所傳者真不應有義獸之說然以騶為囿名

則亦不經見今書言騶虞多矣如七騶六騶蓋馬御

澤虞山虞則掌山澤之官禮記月令秋季教田臘命

僕及七騶咸駕周官山虞澤虞皆當田獵則致禽獸

易亦有即鹿无虞之說則知騶虞二官田獵之時乃其職事宜以多殺為心今也五而一取焉故詩人曰于嗟乎騶虞而能如是乎李曰蓋言似騶虞之有仁心也亦如于嗟麟兮言公字如麟也歐陽之說以謂當毛詩未出之前說者未必以騶虞為獸考之相如封禪文獸者圉騶虞之珍羣則漢之時亦有以騶虞為獸者鄭曰記蘆始出者著春田之早晚

東萊曰彼茁者葭彼

茁者遂記蒐田之時蓋曹子桓所謂句芒司節和風扇物草淺獸肥之時也

東萊曰反

三隅而觀之則天壤之間和氣充塞庶類蕃殖交於萬物有道而恩足以及禽獸者皆可見矣化育之仁其何以形容曰于嗟乎騶虞非騶虞自然不勉之仁

殆不足以當之

朱曰南國諸侯承文王之化修身齊家以治其國而其仁民之餘恩可以

及于庶類故春田之際草木之茂禽獸之多至于如此詩人述其事以美之且嘆之曰此其仁心自然不由勉強是真可謂之騶虞矣

段曰王道成而王政達王政達而

王業著大抵於山林數澤之氣象見之旱麓行葦由

庚崇丘詩可以想見當時穹壤之間矣

彼茁者蓬壹發五豝

子公反

于嗟乎騶虞

毛曰蓬草名也一歲曰豝

騶虞二章章三句

召南十四篇四十章一百七十七句



毛詩集解卷二

欽定四庫全書

經部

毛詩集解卷三

詳校官監察御史_臣孫家賢

通政使司副使_臣英瞻裴履勘

總校官降調編修_臣倉聖脉

校對官中書_臣高 中

謄錄監生_臣單乃級

欽定四庫全書

毛詩集解卷三

邶鄘衛說附

宋 段昌武 撰

朱曰邶鄘衛三國名在禹貢冀州西阻太行北踰衡漳東南跨河以及兗州余土之野及商之季而紂都焉鄭曰武王克商以其京師封紂子武庚乃三分其地置三監使管叔蔡叔霍叔尹而教之自紂城而

北謂之邶南謂之鄘東謂之衛

釋文曰衛在汲郡朝歌縣朱曰朝歌故

城今在衛州衛縣西二十里所謂殷墟衛故都即今衛縣董曰竹書紀年曰武王封武庚于朝歌分其

地為邶鄘衛使管叔蔡叔霍叔監之曹曰以蔡仲

之命考之周公致辟于商曰蔡叔于郭邦降霍叔于

庶人則霍叔在三監之數武庚不與焉蓋以三叔監

商民故謂之三監武庚惟奉商祀於此不得有所專

制也武王既喪三監導武庚叛成王伐而誅之更於此

三國建諸侯以其餘民封康叔於衛使為之長

孔曰漢地

理志云三監叛周公誅之盡取其地封弟康叔故邶鄘衛三國之詩相與同風如志之言則康叔初即萊

彼二國矣鄭氏不然者以國大非制董曰康叔受

衛其在殷邦百里之地而邶鄘則同姓受封國也

曹曰衛爵為伯周公豈得以商千里之畿盡畀康叔哉意邶鄘初亦以封同姓而康叔為方伯得兼治之故季札聞邶鄘衛之歌而知其為衛康叔之德也孔書疏曰封之千里者康叔時為方伯圻內諸侯並屬之何者邢在襄國河內即東圻之限故以賜後世諸侯西方即有黎潞河濟之西曹地約千里也

子孫稍并彼二國混而名之

朱曰衛本都河北朝歌之東淇水之北百泉之

南其後不知何時并得邶鄘之地至懿公為狄所滅戴公東從渡河野處漕邑文公又徙居于楚丘漕楚丘皆在滑州大抵今懷州衛澶相滑濮等州開封大名府界皆衛境七世至頃侯

朱曰八世

當周夷王時衛國政衰變風始作作者各有所傷從

其國本而異之為邶鄘衛之詩焉

陳曰孔子取頃公以下三十九篇之

詩列為三國而不合之于衛者不許衛之始滅諸侯也朱曰邶鄘地既入衛其詩皆主衛事而必存其舊號者豈其聲之異歟非特衛詩然也程曰詩陳於夏而顧著于幽周人因后稷周公賦詩之地也自七月而後多為周公而作察其言往往刺朝庭之不知幽大夫實為之也在盤庚時商已為殷且頌又有殷武今頌乃皆為商唐叔封唐在燮父時已為晉矣至春秋時實始有詩今其國風乃皆為唐此數者猝而觀之若有深意徐而考實正類止從民言之便熟者記之耳後世事有類此者中國有事于北狄惟漢人為力故中國已不為漢而北地猶指中國為漢唐用事于西故羌人至今尚以中國為唐各從其稱謂之熟者也不獨此也木皮美齊而列于衛猗嗟刺魯而繫之齊召穆之民勞衛武之賓之初筵不附其國而在二雅若事事為之說則不勝其說而卒不能歸一也今一言以蔽曰本其所得之地而已矣曹曰

邶鄘合于衛而作詩者本其山川風俗之所宜故雖同風而二國各以其詩見焉

柏舟言仁而不遇也衛頃

音傾

公之時仁人不遇小人在

側

孔曰頃公貞伯子當周夷王時 曹曰康叔之始封

也稱孟侯康叔死其子稱康伯自康伯五世而至貞

伯皆伯爵耳至頃侯厚賂周夷王夷王於是乃命衛

為侯 鄭曰不遇者君不受己之志也 張曰不遇

非不達也不受其志也

汎彼柏舟亦汎其流耿耿

古幸反

不寐如有隱憂微我無

酒以敖以遊

毛曰汎汎流貌柏木宜為舟耿耿猶微微也

朱曰耿耿小明

憂之貌也

隱痛也

朱曰微猶非也

說文曰敖出遊也

東萊曰汎彼柏舟亦汎其流如舟之汎汎無所倚

薄也

朱曰以柏為舟堅緻牢實而不以乘載無所倚薄但汎然水中而已故其隱憂之深如此

張

曰是信其委之命而已

毛曰非我無酒可以敖遊忘憂也

李曰此憂非飲酒敖遊之所能釋也

曹曰衛國居

河淇之間故邾之仁人不遇與鄘之共姜自誓皆以
柏舟發興蓋仁人不遇則思乘舟而去父母欲奪共
姜而嫁之亦將乘舟而歸矣仁人思乘舟而去汎然
從流無不可者然其愛君憂國之心不能自已是以
徒有隱憂也 朱曰列女傳以此為婦人之詩今考
其辭氣卑順柔弱且居變風之首而與下篇相對豈
亦莊姜之詩也歟

我心匪鑒不可以茹

如預反

亦有兄弟不可以據薄言往

金史卷八十八
三
愬逢彼之怒

毛曰茹度也

曹曰茹者容愛之意

朱曰鑒能度物而我不能

歐陽曰茹納也鑒之于物不擇妍醜皆納其影而我心不能如鑒之無所不納是以見疾于人王曰責

我心之如鑒必能度形猶責周公必知管蔡之叛而不使之責孟子識齊王之不可為湯武而不應其聘

也

但以兄弟宜可據依而不知其不可也故或往愬

焉而反逢其怒耳范曰此公族之臣也

故僚類皆其兄子小人之黨則

雖親戚亦不可據矣

我心匪石不可轉也我心匪席不可卷

反 眷勉

也威儀棣

棟不可選也

毛曰棟棟富而閑習也選簡擇也石雖堅尚可轉席

雖平尚可卷

曹曰愚與之相為浮沉然其心之所懷不可改也朱曰其操守堅正雖不遇

而亦不變改也

呂曰以威儀為可簡則無禮故不敢改其

度也

東萊曰不可選也言威儀閑習自有常度不可選擇以避禍也翟方進謂馮參君侯以王舅見

廢不得在公卿位今五侯至尊貴也與之並列宜少誅節卑體視有所宗而君侯盛修容貌以威嚴加之

此非所以下五侯而自益者也參性好禮儀不改其常操

憂心悄悄愠于羣小覲

反古豆

閔既多受侮

音武

不少靜言

思之寤辟

避亦反

有標

符小反

毛曰悄悄憂貌愠怒也閔病也靜安也辟拊心也標

拊心貌

孔曰寤覺之中拊心而手揉然

朱曰愠于羣小言見怒于

羣小也

王曰國亂而君昏則小人衆而君子獨君

子憂而小人樂君子之憂者憂其國而已憂其國則

與小人異趨其為小人所愠固其理也小人得志則

為讒誣以病君子君子既病矣則又從而侮之

朱曰觀此

可以曲盡小人之情態

其曰既多不少者以著小人之衆也

日居月諸胡迭

待結反

而微心之憂矣如匪澣

戶管反

衣靜

言思之不能奮飛

孔曰居諸者語助也檀弓云何居注云居語助也

朱曰迭更微虧也歐陽曰日居月諸胡迭而微者

謂仁人傷衛日往月來而漸微爾猶言日朞月削也

范曰如匪澣衣者中垢而不濯也

毛曰如衣之不澣矣曹曰言

常蒙汙辱而無以自潔也

不能奮飛者鬱陶無所發也鄭曰臣

不遇于君猶不忍去厚之至也

李曰此見仁人之用心也孔子曰吾於柏

舟見匹夫執志之不易也

曹曰究篇中亦有兄弟之言及篇末

不能奮飛之意其衛君同姓之臣與宗社同其存亡者歟

柏舟五章章六句

綠衣衛莊姜傷已也妾上僭

戕念反

夫人失位而作是詩

也

程曰綠衣衛莊姜傷已無德以致之行有不得反求

諸已而已矣

鄭曰莊姜莊公夫人齊女姓姜氏妾上僭謂公子州吁之母母嬖而州吁驕

綠兮衣兮綠衣黃裏音里心之憂矣曷維其已

毛曰綠閒色黃正色

孔曰綠蒼黃之間色黃中央之正色

憂雖欲自止

何時能止也

孔曰閒色之綠不當為衣猶妾不宜

嬖寵正色之黃反為裏猶夫人反見疏而微也 張

曰綠衣之憂言嫡妾之亂其弊將至于不可勝言者

憂在宗國也夫豈特為一身之私哉

綠兮衣兮綠衣黃裳心之憂矣曷維其亡

毛曰上曰衣下曰裳 孔曰閒色為衣而在上正色

之黃反為裳而處下 曹曰亡失也不須訓為忘

綠兮絲兮女所治兮我思古人俾

卑爾反

無訖兮

尤音

毛曰訖過也

程曰絲之綠由女之染治以成言有

所自也 范曰致其序則在我也故思古之人能使

尊卑有分而無過也

絺兮綌兮淒

七西反

其以風我思古人實獲我心

毛曰精曰絺麤曰綌淒寒風也 程曰絺綌者所以

來風也 范曰思古人而獲我心自知其不及也

綠衣四章章四句

燕燕衛莊姜送歸妾也

鄭曰歸妾陳女戴嬀

戴嬀生子名完莊姜以為已子莊公薨完立州吁弑之嬀歸莊

姜送之作詩見已志也

鄭曰戴嬀雖妾實生桓公

桓公立為君矣序詩者猶曰送歸妾彼為母以其子

貴之說者失聖人正

名分辨嫡庶之說矣

燕燕于飛差池其羽之子于歸遠送于野瞻望弗及泣

涕如雨

朱曰興也

孔曰釋鳥燕燕郭璞曰齊人呼鳥曰

燕即今之燕也古人重言之 李曰差池不齊貌

毛曰之子去者也歸歸宗也遠送過禮于於也郊外

曰野

蘇曰禮婦人送迎不出門遠送至野情之所不能已也

孔曰至野與之

訣別已留而彼去稍稍更遠瞻望之不復能及故念

之泣涕如雨 王曰燕方春時以其匹至其羽相與

差池其鳴一上而一下故莊姜感所見以興焉 張

曰燕燕以興已與戴嬀嫡妾相與之善歟獨言泣涕

之情者蓋家國之事有不可勝悲者晉褚太后批桓

溫廢立詔云未亡人不幸罹此百憂感念存沒心焉
如割其有合于詩人之情歟

燕燕于飛頡

戶結反

之頡

戶郎反

之之子于歸遠于將之瞻

望弗及佇立以泣

毛曰飛而上曰頡飛而下曰頡佇立久立也 鄭曰

將亦送也

燕燕于飛下上

時掌反

其音之子于歸遠送于南瞻望弗

及實勞我心

毛曰飛而上曰上音飛而下曰下音陳在衛南實是也

仲氏任

而煇反

只其心塞淵終溫且惠淑慎其身先君之

思以勗

函內反

寡人

毛曰仲戴嬀字也 鄭曰任者以恩相親信也 朱

曰只助語 李曰塞實也 毛曰淵深也 朱曰溫

和也 毛曰惠順也 朱曰終溫且惠始終如一也

鄭曰淑善也 毛曰勗勉也 鄭曰寡人莊姜自

謂也 楊曰州吁之暴完之死戴嬀之去皆夫人失位不見答於先君所致也而戴嬀猶以先君之思勉其夫人可謂終溫且惠矣

朱曰上四句莊姜美戴嬀下二句因使之以先君之

故而有以屬己蓋稱其美以求敬戒之辭

燕燕四章章六句

日月衛莊姜傷已也遭州吁之難

乃旦反

傷已不見答于

先君以至困窮之詩也

張曰困窮者道窮計盡無以自伸也 廣漢張曰綠

衣方妾上僭之時故獨反已以自責而已至日月之作則在州吁弑嫡之後於是始推原其致禍之本以為由已不見答于先君之所致亦猶孟子所謂過大而不怨是愈疏也

日居月諸照臨下土乃如之人兮逝不古處

昌呂反

胡能

有定寧不我顧

毛曰日乎月乎照臨之也胡何也 鄭曰之人是人

也謂莊公也 朱曰逝發語之辭 范曰言莊公不

以古之道處我故至困窮也

王曰不以古夫
婦之道處我

鄭曰

寧猶曾也 東萊曰觀碩人之詩則莊姜初來即不

見答非始有恩義而後忘之也古不當訓故

日居月諸下土是冒乃如之人兮逝不相好

呼報反

胡能

有定寧不我報

毛曰冒覆也 張曰以禮事莊公不以恩答已寧不

我報是也

日居月諸出自東方乃如之人兮德音無良胡能有定

俾也可忘

毛曰日始月盛皆出東方音聲良善也 朱曰德音

美其辭無良醜其實也

日居月諸東方自出父兮母兮畜我不卒胡能有定報我不述

王曰人憂患疾痛極則未嘗不呼其父母者 鄭曰

畜養卒終也 朱曰不述猶曰不可稱述也 東萊

曰左傳曰子叔姬妃齊昭公生舍叔姬無寵舍無威

夫人見薄則冢嗣之位望亦輕此國本所以傾搖也
莊姜既不見答則桓公之位何能有定乎反覆言之
蓋推原禍亂之由而非為已私也俾也可忘謂若思
莊公恩義之薄嫡庶不定之禍誠使我可忘而我自
不忍忘之也未章不欲咎莊公徒自傷父母養我不
終而已報我不述言莊公之所以報我不欲稱述之
矣亦不欲咎莊公也

日月四章章六句

終風衛莊姜傷已也遭州吁之暴見侮慢而不能正也

終風且暴顧我則笑謔

許約反

浪笑敖

五報反

中心是悼

毛曰終日風為終風暴疾也笑侮之也謔浪笑敖言

戲謔不敬

朱曰謔戲言也浪放蕩也

鄭曰喻州吁之為不善如

終風之無休止而其間又有甚惡悼者傷其如是

終風且霾

亡皆反

惠然肯來莫往莫來悠悠我思

毛曰霾雨土也惠然肯來言時有順心也朱曰終

風且霾以比州吁之暴益甚也蘇曰州吁往來皆

不可常 鄭曰我思其如是心悠悠然 楊曰見侮
慢而不能止則悼之而已其莫往莫來則又思之可
謂極母道矣經解曰溫柔敦厚詩教也學者如此則
可觀可羣可怨矣

終風且噏

於計反

不日有噏寤言不寐願言則嚏

都麗反

毛曰陰而雨曰噏 王曰噏則不見日矣又曰不日

有噏者言不旋日而又噏也 鄭曰言我願言也嚏

讀當為不敢嚏咳之嚏我其憂悼而不能寐女思我

心如是我則嚏也今俗人嚏云人道我此古之遺語也東萊曰陰風終日意其止矣不旋日而又嚏焉厭苦之詞也

嚏嚏其陰虺虺其雷寤言不寐願言則懷

毛曰如常陰嚏嚏然暴若震雷之聲虺虺然

朱曰雷將發而

未震東萊曰驟雨迅雷其止可待至於嚏嚏之陰虺

虺之雷則殊未有開霽之期也願言則嚏汝念我則我嚏矣母子之間感通本無間也願言則懷汝念我

則我懷矣母子之間恩義本易復也

終風四章章四句

擊鼓怨州吁也衛州吁用兵暴亂使公孫文仲將而平陳與宋國人怨其勇而無禮也

鄭曰將者將兵以伐鄭也平成也 朱曰左傳州吁

與宋陳伐鄭圍其東門五日而還出師不為久而衛

人之怨如此身犯大逆衆叛親離莫肯為之用耳

擊鼓其鏜

吐當反

踴躍用兵土國城漕我獨南行

毛曰鏜然擊鼓聲漕衛邑也 曾曰鏜然擊鼓踴躍
用兵想見州吁好兵喜鬪之狀其興師動衆非出於
不得已也人所甚憚者州吁之所最樂國人怨之正
以其踴躍用兵耳 鄭曰土國役土功于國南行從
軍南行伐鄭 李曰土國城漕非不勞苦獨得處於
境內今我之在外死亡未可知雖欲為土國城漕之
人不可得也

從孫子仲平陳與宋不我以歸憂心有忡

勅中反

毛曰孫子仲謂公孫文仲也

孔曰文是謚

平陳於宋

鄭曰平陳

於宋謂使告宋曰君為主敵邑以賦與陳蔡從

憂心有忡憂心忡忡然左

傳杜氏注曰陳今陳國陳縣宋今梁國睢陽縣東

萊曰從孫子仲平陳與宋言所從者乃孫子仲也則

輕其帥可知矣

朱曰伐鄭以結陳宋之成也

爰居爰處爰喪

息浪反

其馬予以求之于林之下

鄭曰爰於也

歐陽曰王肅以下三章衛人從軍者

與其室家訣別之詞士卒將行與其室家訣別云我

之是行未有歸期亦未知於何所居處於何所喪其

馬若求我與馬當於林下求之蓋為必敗之計也

曾曰

非獨爰居爰處以下三章為從軍者訣別之辭一篇之意皆如此

朱曰猶寒叔哭送其子之意也

死生契

苦結反

闊與子成說執子之手與子偕老

毛曰契闊勤苦也 朱曰成說成其約誓之言 孔

曰王肅云言國人室家之志欲相與從生至死契闊

勤苦而不相離相與偕老

朱曰與其家人訣別言其始為室家之時期以死生

契闊無所不同既成其約誓之言又相與執手而期以偕老言至死而不相棄也

于嗟閼兮不我活兮于嗟洵兮不我信

音申兮

鄭曰于嗟嘆也

毛曰活生活也洵遠也

東萊曰

于嗟閼兮承上章死生契闊之文而足成其義言始欲死生勤苦共之今乃不得相依以生也洵當從毛傳言遠去而不得伸此志也

擊鼓五章章四句

凱風美孝子也衛之淫風流行雖有七子之母猶不能安其室故美七子能盡其孝道以慰其母心而成其志

爾

朱曰不能安其室者欲嫁也成其志者七子成母之

善志遂不嫁也

段曰有七子而猶欲嫁豈本志哉情之流而已矣黃曰大孝養志

曹曰詩言莫慰母心序言能慰母心意者感其言而

遂不嫁歟

凱風自南吹彼棘心棘心天天

於驕反

母氏劬勞

毛曰興也南風謂之凱風樂夏之長養

孔曰凱樂也風性樂育萬

物鄭曰喻寬仁之母

朱曰棘小木叢生多刺難長

曹曰

凡草木遇春則生惟棘至夏始萌芽則其難長養可

知矣而心又其稚弱而未成者也天天少好貌

毛曰天天

盛貌毛曰劬勞病苦也

王曰棘心至於天天則風

之為力多矣此母氏劬勞之譬也朱曰母生衆子

幼而育之其劬勞甚矣本其始而言以起自責之端

也

凱風自南吹彼棘薪母氏聖善我無令人

毛曰棘薪其成就者聖人也

曹曰聖者通達之名

鄭曰令善

也 朱曰棘可以為薪則成就矣然非美材故以興
子之壯大而無善也其自責也深矣 曹曰言母之
通達而好善無有過舉其不安於室則七子之罪

劉曰自七子之中有一令善之人則母亦不舍之而

去也

曹曰母有淫心而不安其室七子欲留之而不
敢斥言乃自託於不令痛自咎責此大舜負罪

引慝之意

陳曰此非謙德也通天下一氣耳吾其

有以傷之故然乎所謂蹶者趨者而反動其心也瞽

瞍曰頑舜則負罪聖人豈固緣飾哉其心誠曰吾罪

焉而已矣 黃曰嗚呼吾觀凱風之詩而嘆其有虞

舜之遺風也夫父頑母嚚非舜之罪而舜負罪引慝

其愛親之念皆寓於南風之歌豈非以南風長養萬

物如父母之於子
其恩豈可忘乎

爰有寒泉在浚音駿之下有子七人母氏勞苦

毛曰浚衛邑也 陳曰寒泉在浚之邑下

曹曰水泉人用之所

急也故古者建都立邑必依水泉之利 邑人賴之以生養今子七人反

不能養一母而使母勞苦求嫁也 李曰一云浚水

出浚儀東經邶地入濟今祥符鑿井于浚之旁而得

泉者實浚之滋也喻已之成人實母之生育也 孔

曰母無子容可勞苦今乃有子七人 陳曰吾屬若

此雖多何益也 朱曰至是乃若微指其事而痛自
刻責以感動其母心也母以淫風流行不能自守而
諸子自責但以不能事母使母勞苦為辭婉辭微諫
不顯其親之惡可謂孝矣

眴

胡顯反

眴

華板反

黃鳥載好其音有子七人莫慰母心

毛曰眴眴好貌

曹曰美澤貌曰清和圓轉之意

朱

蘇曰鳥猶能好

其音以說人而我獨不能說吾母哉

曹曰七子自謂不能下氣怡聲

以慰母心黃鳥之不如也

曾曰凱風盛於夏時黃鳥鳴於夏木

寒泉亦夏所宜是詩其因時起興者乎 段曰親與
已固同一氣也則天下顧豈有不可感通之親哉瞽
之頑也終必格焉第恐誠意之未貫徹耳蒸蒸入東
萊以蒸蒸有薰灌融液之義觀是詩四章而自責之
誠意積而愈深吁是誠足以感通矣

凱風四章章四句

雄雉刺衛宣公也淫亂不恤國事軍旅數

色角反

起大夫

久役男女怨曠國人患之而作是詩

孔曰宣公衛桓公子 朱曰此詩皆女怨之辭

雄雉于飛泄

移世反

泄其羽我之懷矣自詒伊阻

毛曰興也 朱曰泄泄飛之緩也 鄭曰懷安也

毛曰詒遺伊維也

孔曰語助

朱曰阻隔也 曾曰雄雉

以喻其夫雄雉于飛雌懷安而不從之今之阻隔蓋
自遺也大夫行役婦人本無可從之理其言如此乃
怨思之切耳

雄雉于飛下上

時掌反

其音展矣君子實勞我心

毛曰展誠也 范曰展矣君子久役而不得歸者也
此婦人之閔其夫也

瞻彼日月悠悠我思道之云遠曷云能來

毛曰瞻視也 朱曰悠悠長也 鄭曰視日月之行

迭往迭來今君子獨久行役而不來使我心悠悠然

思之曷何也何時能來望之也

程曰日月取其迭往迭來之意又日月陰

陽相配而不相見又旦暮所見動人情思總包意其間

百爾君子不知德行

反下孟

不忒

反之政

不求何用不臧

鄭曰女衆君子我不知人之德行何如者可謂德行

朱曰百爾君子泛指從役大夫也

毛曰忤害也 朱曰求貪也

毛曰臧善也 張曰不忤不求是大夫妻言其夫也

東萊曰婦人思其君子之切而知其未得歸也於

是復自解曰凡百君子我婦人不知孰為德行也但

不忤害不貪求則何所用而不善雖久處軍旅之間

固未害也

陳曰此詩居婦作以昭其大夫之久役者也而其末章曰百爾君子不知德行之不忤

不求何用不臧臆孰謂樂天知命之學而婦人能言之哉凡人不知則愠則悶則悔在論語則曰人不知

而不愠不亦君子乎在易則曰不見是而無悶潛龍
也在中庸則曰避世不見知而不悔唯聖者能之三
者古人所難也今也婦人勉其夫曰凡百在位無有
知汝之德行者惟能不伎以為怨不求以為諂則亦
何往而不臧夫伎心生於忿怨求心生於慕羨故古
之恥貧賤患難者能不伎則或入於求能不求則或
入於伎故伎者常至於疾人而求者常至於枉己二
者蓋難兼焉不疾人不枉己非樂天知命者其孰能
之夫子之門人惟由也衣敝緼袍與衣狐貉者立而
不恥夫子始許之以此蓋安命也以孔門上弟只於
國風詩中適得一句
學者讀詩如何苟簡

雄雉四章章四句

匏有苦葉刺衛宣公也公與夫人並為淫亂

鄭曰夫人謂夷姜 孔曰知非宣姜者以宣姜本適
伋為公所要云雉鳴求其牡明是夷姜

匏有苦葉濟有深涉深則厲淺則揭

苦例反

毛曰匏謂之瓠瓠葉苦不可食也

孔曰陸璣云匏葉小時可為羹八月

中堅強不可食故云苦葉匏瓠一也故又謂之瓠外
傳魯語叔孫穆子曰匏之葉及瓠有苦葉矣叔向曰
苦匏不材於人供濟而已韋昭注云不
材于人言不可食佩匏可以渡水也 濟渡也由膝

以上為涉以衣涉水為厲謂帶以上也

釋文曰韓詩云至心曰厲

揭褰衣也 朱曰匏尚有葉是未有霜而成實之時

濟渡之處又有深涉未可以渡也 毛曰遭時制宜

如遇水深則厲淺則揭矣

范曰深則厲淺則揭宜斟酌也宣公夫人不顧禮義

猶不度水之深淺而欲濟也

有彌

彌爾反

濟盈有鷺

以小反

雉鳴濟盈不濡軌 雉鳴求

音鬼

其牡

毛曰彌深也盈滿也鷺雌雉聲也由輶以上為軌

歐陽曰毛氏謂走曰牝牡書牝雞無晨豈為走獸乎

古語通用濟盈無不濡之理而涉者貪于必進自謂

不濡又興宣公貪於淫欲身蹈罪惡而不自知也雉
鳴求其牡者又興夫人不顧禮義而從宣公如禽獸
之相求惟知雌雄為匹而無親疎父子之別

朱曰或曰承上

章之興以為比也蓋以艸有苦葉興濟有深涉以濟
盈興雉鳴然後以求其牡比淫亂之人此亦詩之一
體也夫詩之為體舒緩宏闊有如此者而後世學者
求之崎嶇蹙狹之中銖較寸量如治法律亦失之大
遠矣 釋文曰軌依傳意宜音犯案說文云軌車轍也

從車九聲龜美反軌車軾前也從車凡聲音犯相亂
故具論之

雖雖鳴鴈旭

許玉反

日始旦士如歸妻迨冰未泮

毛曰雖雖鴈聲和也納采用鴈旭日始出謂大昕之

時迨及泮散也鄭曰昏禮自納采至請期用昕親

迎用昏歸妻使之來歸于已謂請期也冰未泮正月

中以前也二月中可以昏矣

孔曰毛氏東門之楊傳云男女失時不逮秋冬

則以秋冬皆得成昏孫卿曰霜降逆女冰泮殺止霜降九月也冰泮正月也家語曰霜降而歸功成而嫁

娶者行焉冰泮農業起昏禮殺于此周禮言仲春夏小正言二月者皆為期盍蕃育之法王肅曰前賢有

言丈夫二十不敢不有室女子十五不敢不事人譙周亦云男自二十以及三十女自十五以至二十皆

得以嫁娶先是則速後是則晚矣其說皆出毛氏
若男三十女二十為期盡蕃育雖仲春猶可行

王曰古之於昏姻其求之不暴而節之以禮雖庶士

亦然而況於人君乎

招招

照遠反

舟子人涉卬

五郎反

否人涉卬否卬須我友

毛曰招招號召之貌

孔曰王逸曰以手曰招以口曰召

舟子舟人主

濟渡者卬我也人皆涉我友未至獨待之而不涉

朱曰以此男女必待配耦而相從 東萊曰此詩刺

宣公之淫亂然一章二章四章皆以物為此而不正

言其事三章雖言昏禮特舉士之歸妻蓋不欲斥言之而以小喻大也所謂主文而誦諫也

匏有苦葉四章章四句

谷風刺夫婦失道也衛人化其上淫於新昏而棄其舊室夫婦離絕國俗傷敗焉

朱曰皆述逐婦之辭也宣姜有寵而夷姜縊是以其民化之而谷風之詩作所謂一國之士繫一人之本者如此

習習谷風以陰以雨黽勉同心不宜有怒采葑采菲無
以下體德音莫違及爾同死

毛曰興也習習和舒貌東風謂之谷風陰陽和而谷

風至

程曰陰陽交和則感陰而成雨

其感也陰夫其成也雨

婦之道當黽勉和同不宜有怨怒也蓋和則夫婦之

道成而室家正如陰陽和而成雨也毛曰葑須也

菲音勿

也下體根莖也

鄭曰此二菜者蔓菁與藟

之類也皆上下可食然而其根有美時有惡時采之

者不可以根惡時并棄其葉喻夫婦以禮義合顏色

相親亦不可以顏色衰棄其相與之禮

孔曰陸璣云葑蕀菁幽州

人謂之芥菲似菑莖羸葉厚而長有毛郭璞曰菲土
灰也釋文曰草木疏云葑蕀菁也郭璞云今菰菜

也葉江南有葑菲江北
有蔓菁相似而異也

程曰夫婦之道貴其有終

德音好音也當期好音無違至於偕老

行道遲遲中心有違不遠伊邇薄送我畿

音誰謂荼音徒

苦其甘如薺

齊禮反

宴爾新昏如兄如弟

毛曰遲遲舒行貌違離也畿門內也

東萊曰韓愈譴
瘧鬼詩云白石

為門畿蓋以畿為門閭也必茶苦菜也爾雅疏曰此有所據可以發明毛氏之說

菜也月令孟夏苦菜秀是也葉似苦苣而細斷之有白汁花似菊堪食但苦耳本草云薺味

甘人取其葉作菹及羹亦佳 毛曰宴安也 程曰

我行道而遲遲者中心念其有違乎此也 朱曰今

故夫之送我乃不遠而甚邇 鄭曰送我裁于門內

無恩之甚 陳曰婦人從一而終今雖見棄猶有望

其夫之情 孔曰言人誰謂荼苦此之荼即其甘如

薺又言安愛汝之新昏其恩如兄弟也

涇以渭濁湜湜

音殖

其沚

音止

宴爾新昏不我屑以毋逝我

梁母發我笱

反古

我躬不閱

音悅

遑恤我後

毛曰涇渭相入而清濁異

孔曰

地理志云涇水出今安定涇陽西開頭山東南

至京兆陵陽入渭漢書溝洫志涇水一石其泥數斗
蒲岳西征賦云清渭濁涇尚書疏云渭水出隴西

首陽縣至京兆北
汾司空縣入河

說文曰湜水清見底鄭曰小

渚曰沚毛曰屑潔也逝之也梁所以捕魚

孔曰周禮廩人

掌以時廩為梁鄭司農云梁水堰堰水而為闕空以
笱承其空然則梁者為堰以漳水空中夾承之以笱

閱容也鄭曰遑暇也程曰涇濁而渭清今涇反

以渭為濁湜湜清貌視於淺處則見清波以為濁而

其汙湜湜以言其惑而不得其正也

范曰胡不視之湜湜其汙謂未

嘗變也

朱曰宴安于新昏不以舊室為潔而與之也

鄭曰江有汜箋曰以猶與也

歐陽曰禁其新昏毋逝我梁毋發

我笱言棄妻將去猶顧惜其家之物既而嘆曰我身

不容安得恤後事乎

朱曰知其不能禁而絕意之辭也

東萊曰涇

新昏也渭舊室也涇渭既合則清濁易惑於洲渚淺

處視之渭之清猶可見也詩人多述土風此衛詩而

遠引涇渭者蓋涇濁渭清天下所共知者如云海鹹河淡也

就其深矣方之舟之就其淺矣泳之游之何有何亡黽勉求之凡民有喪匍匐救之

毛曰方泝也

郭璞曰小筏曰泝

泳潛行也

朱曰浮水曰游

鄭曰言深淺者喻君子之家事無難易吾皆為之

說文曰匍手行也匍伏地也 程曰就其深以下

陳其躬所為治家勤勞之事隨事盡其心力而為之

深則方舟淺則泳游不計其有與亡也強勉求為之

耳

朱曰不計其有與亡而強勉以求之者也

不特如是治其家又周睦其

鄰里鄉黨莫不盡其道

陳曰非特門內之事如此凡鄰里之有喪者無不盡力以

救

張曰皆婦人曲徇其夫之言

不我能慙

許六反

反以我為讎既阻我德賈

音古

用不售

市救

反

昔育恐育鞠

居六反

及爾顛覆既生既育比予于毒

毛曰愍養也鞠窮也

鄭曰及與也

朱曰承上章

言我於女家勤勞如此女既不我養而反以我為仇

讎 程曰惟其心既阻絕我之善故雖勤勞如是而

不見取如賈之不售凡人所以憎而不知其善者由

其心阻絕其善故也 張曰昔育恐育鞠而下言昔

者相與為生理惟恐其窮以及于顛覆今既生既育

矣乃反比我於毒而棄之乎 鄭曰其視我如毒
螫言惡已甚也

我有旨蓄 反 秘六 亦以御冬宴爾新昏以我御窮有泔 音

有潰 反 戶對 既詒我肄 反 以世 不念昔者伊余來墜

毛曰旨美御禦也泔泔武也潰潰怒也 鄭曰泔泔然
潰潰然無溫

潤之
色也

程曰肄習也

毛曰堅息也

鄭曰蓄聚美

菜者以禦冬月之無時也君子亦但以我禦窮苦之

時至于富貴則棄我如旨蓄

曾曰窮猶乏無耳有新昏而棄舊室是姑以我

御乏無之時也人之于物得新可以捐故然厚者猶有所不忍夫婦義當偕老乃姑以御窮而已其薄惡可知也

程曰詒我以武暴愆怒習而為常矣 朱曰

君子棄絕之曾不念我之來息時也追言其始見君子之時接禮之厚怨之深也

谷風六章章八句

式微黎侯寓于衛其臣勸以歸也

釋文曰杜預云黎在上黨壺關縣

蘇曰今黎陽

曹曰

黎侯國也上黨壺關縣有黎亭東郡有黎縣未知孰是

鄭曰寓寄也黎侯為

狄人所逐棄其國而寄於衛衛處之以二邑

孔曰春秋出奔

之君所在曰寄故左傳曰齊以邾寄衛侯是也喪服傳曰寄公者何失地之君也董曰晉伯宗數赤狄

罪曰奪黎氏地則狄侵黎其亦傷矣魯宣十五年下傳曰責衛宣公則伯宗所責狄人舉其故過也

陳曰黎上黨之東即古衛地衛之附庸也木瓜美齊

衛人作也故其詩復為衛式微旄丘二詩黎臣作也

而得為衛者黎微也而附庸於衛故也 蘇曰載馳

泉水竹竿皆異國之詩而在衛者豈非以其為衛音
歟記曰鄭音好淫亂志宋音燕女溺志衛音趨數煩
志齊音傲辟喬志蓋諸國之音未有同者因衛作詩
以為衛音如越鳥之病而越吟亦人情之所必然也
式微式微胡不歸微君之故胡為乎中露

爾雅曰式微式微者微乎微者也

范曰諸侯失國而
寄于他國之邑微

莫甚焉郭璞注
云言至微也

鄭曰君何不歸乎禁君留止于此

之辭

闕

何其節之闊也衛之君臣何其多日而不見救也此
詩本責衛君而但斥其臣可見優柔而不迫矣東
萊曰葛始生其節蹙而密既長其節闊而疎黎人見
葛之長感時之久而衛猶未見救爾

何其處也必有與也何其久也必有以也

朱曰處安處也與與國也以他故也因上章何多日
也而言何其安處而不來意必有與國相俟而俱來
耳又言何其久而不來意其或有他故而不得來耳

詩之曲盡人情如此

狐裘蒙戎匪車不東叔兮伯兮靡所與同

毛曰大夫狐蒼裘

孔曰蒼裘所施玄端之裘也曹曰玉藻曰君子狐青裘豹裘玄緇

衣以褐之注云君子大夫士也

朱曰蒙戎亂貌言敝也東萊曰蒙

戎狐裘之貌晉士為曰狐裘尨茸鄭曰黎國在衛

西今所寓在衛東

孔曰杜預云上黨壺關縣有黎亭是在衛之西

毛曰無

救患恤同也張曰狐裘蒙戎言人君倉皇奔告之

意

又曰蒙戎喻國政之亂當如左傳之所言也朱曰自言客久而裘敝矣豈我之車不東告于女乎

東萊曰黎侯所寓在衛東羈旅之久見衛之大夫

過者甚多終莫有動心者故嘆而言曰非衛大夫之

車不來東也特無與我同患難者耳

朱曰但叔兮伯兮不與我同心

雖往告之而不肯來耳至是始微諷切之

瑣兮尾兮流離之子叔兮伯兮衰

由救反

如充耳

王曰瑣細也尾末也黎侯之臣子流離失職故瑣尾

也毛曰褒盛服也

曹曰漢策曰子大夫褒然為舉首顏師古褒然盛服之貌

鄭曰充耳塞耳也言衛之諸臣顏色褒然如見塞耳

無聞知也人之耳聾常多笑而已

朱曰褒多笑貌

朱曰言

黎之君臣流離瑣尾若此其可憐也而衛之諸臣顏

色褻然如塞耳而無聞何哉

陳曰瑣末控告聲然莫聽也

至是然

後盡其辭焉然流離患難之餘而其言之有序而不

迫如此其人亦可知矣 毛曰流離鳥也少好長醜

陸璣草木疏云梟也關西謂之流離大則食其母

蘇曰衛人以狄之微而不忌譬如流離之養其子不

知其將為己患也 曹曰衛以狄人為瑣尾而忽之

至懿公遂為狄人所滅此玩敵之禍也向使却狄而

封黎侯豈遽有榮澤之敗哉 蘇曰是時衛猶在河

北黎衛壤地相接故狄之為患也黎國與衛國共被

之段曰黎之於衛唇齒之邦也

壤地相接

黎亡則衛及矣

使衛能奮義興師救災恤鄰非惟存黎抑足以固吾
圉今乃坐視而不恤黎既不守衛其免乎其後卒有
狄難是殆剝牀及膚者也衛失國而齊救之黎失國
而衛不救知衛人之德齊桓者深則知黎人之責衛
伯也當矣

旄丘四章章四句

簡兮刺不用賢也衛之賢者仕於伶官皆可以承事王

者也

鄭曰伶官樂官也伶氏世掌樂官而善焉故後世多

號樂官為伶官

孔曰黃帝使伶倫氏自大夏之西崑崙之陰取竹斷兩節間吹之為黃鐘

之宮周語景王鑄無射而問于伶州鳩是伶氏世掌樂官

簡兮簡兮方將萬舞日之方中在前上處碩人俱俱

疑矩

反公庭萬舞

鄭曰簡擇也

張曰簡不恭也若夫為祿仕者抱闕擊柝則猶恭其職為伶官則雜于侏儒俳

優之間以是為不恭也其得謂之賢者雖其迹如此然其中固無所有矣如君子處已則不然其觀人也

則凡能卷而懷之者皆可
將且也
毛曰以關
謂之賢矣東方朔似之

郭璞曰廣雅云雉之羽也樂書曰樂師所謂羽舞者翟羽可用為儀執之以舞所以為蔽翼者也古者王后之路重翟則重其羽而不厭厭翟則次其羽而不重翟不厭以羽飾之而已然則羽舞亦不過翟羽而已春秋之時隱公問羽數于衆仲衆仲曰天子用八諸侯用六大夫四士二或以羽配旄記所謂飾以羽旄是也或以旄配狄記所謂旄狄以舞之是也或以翟配籥簡兮之詩是也又曰赫赤貌

渥厚漬也朱曰赭赤色也言其顏色之充盛也公

言錫爵即儀禮燕飲而獻工之禮也

毛曰祭有昇輝胞翟闋寺者惠

下之道見惠不過一散鄭曰散受五升

程曰此章又言才藝之美有

力如虎才武也執轡如組藝也言其藝如此非在公

庭見之也

孔曰執籥秉翟而舞文舞也

程曰左執籥而右秉

翟言其能之備也

鄭曰碩人容色赫然如厚傅丹君徒賜

其一爵而已

程曰錫之以爵勞賤者之道也曹曰其緒然發于面色者徒沾卮酒之賜而

已朱曰以碩人而得此則亦辱矣乃反以其賚予之親洽為榮而誇美之亦玩世不恭之意或曰涯緒慙而色變之貌又曰此二章皆反覆道賢者之美而不得其所亦可見矣

山有榛

側巾反

隰有苓

音零

云誰之思西方美人彼美人兮

西方之人兮

毛曰榛木名

陸疏曰榛栗屬其子小似柿子表皮黑味如栗

下濕曰隰苓大

苦孔曰孫炎曰本草云苓今甘草也蔓延生葉似荷青黃其莖亦有節節有枝相當或云苓似地黃

西方王室

王曰衛在王室之東東萊曰西方指西周也晉語齊姜氏引西方之書韋昭以為

周亦西周也

東萊曰周既東遷而衰每思其全盛之時

文獻之美也作詩者嘆碩人之賢謂山則有榛隰則有苓惟西周然後有此等人物也云誰之思西方美人見碩人而慨然有懷西周之賢士大夫也彼美人兮西方之人兮指碩人也嘆美其真西周之人而非今世之人也江左諸人喜言中朝名臣亦此意也

陳曰簡賢以具舞既舞而錫爵是以俳優蓄之也雖然君不吾用而苟焉以供舞宜去矣而顧以甚武之力甚文之伎甚盛之容相從于鄙事何也孟子曰往役義也往見不義也召之舞則舞其知往役之義歟故君子詘其身不詘其道辱於身不辱於禮獵較則可少貶則不可牧羊則可降節則不可簡兮之賢其知此也歟黃曰周之士也貴秦之士也賤貴賤在周秦而不在士賢者而仕伶官非特為賢之恥而實

衛之恥

簡兮三章章六句

泉水衛女思歸也嫁于諸侯父母終思歸寧而不得故作是詩以自見也

鄭曰國君夫人父母在則歸寧沒則使大夫寧於兄弟楊曰衛女思歸發乎情也其卒也不歸止乎禮義也聖人著之於經以示後世使知適異國者父母終無歸寧之義則能自克者知所處矣

必悲位反彼泉水亦流于淇有懷于衛靡日不思嬖彼諸

姬聊與之謀

毛曰興也泉水始出必然流也

呂曰泉水即今衛州共城之百泉也淇水

出相州林慮縣東流泉水自西北來注之故曰亦流于淇而竹竿詩言泉源在左淇水在右者蓋主山而

言之相衛之山東面故以北為左南為右

嬖好貌諸姬同姓之女

朱曰

言必然之泉水則亦流于淇矣我之有懷于衛則亦

無日而不思矣是以即諸姬而與之謀為歸衛之計

東萊曰諸姬非必俱嫁於此國蓋有所思而欲與

親者謀乃人情之常非必真得相見也

出宿于沛

子禮反

飲餞

音淺

于禰

乃禮反

女子有行遠

于萬反

父

母兄弟問我諸姑遂及伯姊

毛曰沛地名祖而舍輒飲酒於其側曰餞重始有事

於道也禰地名父之姊妹稱姑先生曰姊王曰沛

禰蓋父母之國地名欲歸則又思嫁時出宿飲餞相

與訣而之夫家朱曰追言其始嫁時已遠其父母

兄弟矣況今父母既終而復可歸哉杜預左傳注

衛女思歸而不得故願致問於姑姊

出宿於干飲餞于言載脂載牽

胡瞻反

還音旋車言邁邁市

反臻于衛不瑕有害

朱曰干言地名適衛所經之地也脂以脂膏塗其牽

使滑澤也牽車軸也

孔曰車不駕則脫其牽將行設之釋文曰牽車軸頭金也

毛曰邁病臻至也鄭曰瑕猶過也

張曰瑕與邁字同言不大

有東萊曰還車猶言回轅不必云嫁時所乘之車

害也不瑕有害謂歸衛不為過差有害自恕之辭也

我思肥泉茲之永歎思須與漕我心悠悠駕言出遊以
寫我憂

毛曰所出同所歸異為肥水

爾雅曰歸異
出同流肥

鄭曰茲

此也自衛而來所渡水故思此而長嘆思須與漕自
衛而來所經邑故又思之既不得歸寧且欲乘車出
遊以除我憂 朱曰悠悠思之長也 毛曰寫除也
泉水四章章六句

北門刺仕不得志也言衛之忠臣不得其志爾

張曰此詩忠臣所自作也

楊曰忠信重祿所以勸士也衛之忠臣至于寔貧莫

知其艱則無勸士之道仕之所以不得志也先王視臣如手足豈有以事敦遺之而不知其艱哉然不擇事而安之無懟憾之辭知其無可奈何而歸之于天所以為忠臣也

出自北門憂心殷殷終窶且貧莫知我艱已焉哉天實為之謂之何哉

爾雅曰殷殷憂也 李曰爾雅云窶貧也兼言之以

見其貧之甚也 張曰出自北門是游息偶出北門

因有此言也

毛曰北門背明向陰 朱曰衛之忠臣不得其志因行出北門而有所感心為

之憂慙慙然蓋出北門背明向陰亦處亂世事暗君之道也

詩怨則怨矣然歸之

於命曰已焉哉天實為之謂之何哉

鄭曰詩人事君無二志故自決

歸之於天

王事適我政事一埤

避支反

益我我入自外室人交徧適

知草反我已焉哉天實為之謂之何哉

鄭曰王事國有王命役使之事

孔曰王事不必天子事直以行役戰伐皆

王家之事

蘇曰政事國之政事

毛曰適之埤厚也適

責也

朱曰王事既適我矣政事又一埤益我其勞

如此而宴貧之甚室人無以自安而交徧謫我則其

困于內外極矣

范曰關雎之化行則婦人能閔其君子至衰世則室家日見而有不知其

心者

王事敦我政事一埤遺

唯李反

我我入自外室人交徧摧

徂回反

我已焉哉天實為之謂之何哉

釋文曰敦韓詩云敦迫也

毛曰遺加也摧沮也

北門三章章七句

北風刺虐也衛國並為威虐百姓不親莫不相攜持而

去焉

程曰序謂百姓不親相攜而去乃述當時之事然考詩之辭乃君子見幾而作相招無及於禍亂者也君子全身遠害唯恐去之不速故其辭迫切其虛其邪既亟只且是也

北風其涼雨

于付反

雪其雱

普康反

惠而好

呼報反

我攜手同

行其虛其邪

音徐

既亟

紀力反

只且

子餘反

毛曰興也北風寒涼之風

程曰四時之風春而自東則生物也夏而自南則養

物也秋而自西則成物也冬而自北則殺物也以北風之殺害萬物故以興 零盛貌惠愛

也 程曰虛寬貌邪緩也雍容之狀 毛曰亟急也

程曰只且辭也 蘇曰北風而又雨雪其虐甚矣

朱曰言衛之君臣威虐已甚將與其所好去而避之

鄭曰邪讀如徐其威儀虛徐也 程曰言尚可寬

容徐緩乎既急也哉

北風其喈音雨雪其霏

芳菲反

惠而好我攜手同歸其虛

其邪既亟只且

毛曰啗疾貌霏甚貌

劉曰啗風聲疾也霏雪落急也

歸歸有德也

莫赤匪狐莫黑匪烏惠而好我攜手同車其虛其邪既
亟只且

程曰同車亦偕行耳但卒章辭意益迫切同車有已
駕之意莫赤者匪狐乎莫黑者匪烏乎以其色則知

其物矣豈難辨哉觀其為政之道則知暴虐禍難將

及於人矣

范曰見微而作者哲人也見著而作者凡民也術大為威虐如此而猶不去則是不

辨狐赤而烏黑也

東萊曰惠而好我攜手同行蓋泉涸魚

相與處于陸相煦以濕相濡以沫之時也同車不必指貴者特協韻耳

北風三章章六句

靜女刺時也衛君無道夫人無德

靜女其姝

赤朱反

俟我於城隅愛而不見搔

蘇刀反

首跣

直知反

反

跣直誅反

毛曰靜貞靜也女德貞靜而有法度乃可說也姝美

色也

鄭曰女德貞靜然後可畜美色然後可安

張曰後宮西北遠城隅

俟我幽閒念彼姝

呂曰古之人君夫人媵妾散處後宮城隅者後宮幽閒之地也女有

靜德又處于幽閒而待進御此有道之君所好也

靜女其嬈貽我彤管彤管有煒

于鬼反

說

音懌懌亦

女美

毛曰既有靜德又有美色又能遺我以古人之法可

以配人君也古者后夫人必有女史彤管之法

鄭曰彤管

筆赤也史不記過其罪殺之后妃羣妾以禮御於君所

女史書其日月授之環以進退之生子月辰則以金

環退之當御者以銀環進之著于左手旣御著于右

手事無大小記以成法煒赤貌 朱曰此女之美又

可說懌皆願見之詞也

自牧歸荑

徒分反

洵

音狗

美且異匪女之為美美人之貽

毛曰牧田官也 鄭曰洵信也 張曰自牧歸荑牧

牧地也不耕種之地則多草木根芽

毛曰荑茅之始生也

如甸

人供菓蓏之屬因以贈夫人也歸荑以備蓺殖供豆

實 東萊曰此詩刺衛君無道夫人無德故述古者

賢君賢妃之相與一章言賢妃有德有容事其君子

逡巡待唱於後宮幽閒之地蓋靜之至也愛而不見
則搔首踟躕猶闕睢求之不得寤寐思服蓋思之切
也橫渠謂後宮西北乃城隅必有所據當考二章言
賢妃貽以彤管女史之法蓋彤管之光華與其容色
之美皆可悅懌則所悅者不專以其色也三章之義
難通橫渠之說差近大過九二枯楊生稊鄭康成易
作萇然則所謂萇者凡草木根芽皆是非獨茅也田
官獻新物於君所歸之萇信芳美而且異於常乃用

之以答彤管之贈蓋所以贈之者非其女色之為美
亦惟德美之人是貽耳

靜女三章章四句

新臺刺衛宣公也納伋之妻作新臺于河上而要
於邈反
之國人惡之而作是詩也

毛曰伋宣公之世子 孔曰此時伋妻蓋自齊始來
未至於衛而公於河上為新臺待其至

新臺有泚
七禮反
河水彌彌
莫爾反
燕婉之求
籊音渠
蔭不鮮

斯淺
反

爾雅曰四方而高曰臺

尚書注曰
土高曰臺

毛曰泚鮮明貌

劉曰泚者水中
臺影鮮明之貌

孔曰言河水者表作臺之處也

毛曰瀾瀾盛貌燕安婉順也蘧蔕不能俯者 孔曰

鮮王肅曰少也

朱曰言其不
知醜之多也

曾曰蘧蔕戚施皆惡

疾之不能為人者也宣公之行非復人理尚可謂之

人歟燕婉是求而得此匪人深惡之之辭也 鄭曰

伋之妻來嫁于衛本求燕婉之人謂伋也反得蘧蔕

謂宣公也

新臺有洒

七罪反

河水浼浼

每罪反

燕婉之求蘧蔭不殄

毛曰洒高峻也

劉曰洒謂水光之中見其臺之高峻也

浼浼平地也殄

絕也

蘇曰猶言病而不死者也

魚網之設鴻則離之燕婉之求得此戚施

毛曰言所得非所求也

鄭曰設魚網者宜得魚鴻乃鳥也反離焉猶齊女以禮來

求世子而得宣公也

戚施不能仰者

東萊曰蘧蔭戚施蓋國

人惡宣公而以惡疾指之不能俯者蘧蔭之疾證不

仰者戚施之疾證非於此取義也

新臺三章章四句

二子乘舟思伋壽也衛宣公之二子爭相為于偽死國

人傷而思之作是詩也

二子乘舟汎汎其景願言思子中心養養

毛曰宣公為伋取齊女而美公奪之生壽及朔朔與其母慙伋於公公令伋之齊使賊先待於隘而殺之壽知之以告伋使去之伋曰君命也不可以逃壽竊

其節而先往賊殺之及至曰君命殺我壽有何罪賊

又殺之 孔曰汎汎然見其影之去

朱曰景影字通景古字也

鄭曰顧念也 毛曰養養然憂不知所定 蘇曰自

衛適齊必涉河國人傷其往而不返汎汎然徒見其

景欲救之不可得是以思之養養然

二子乘舟汎汎其逝願言思子不瑕有害

毛曰逝往也 王曰死非其所不得為無瑕陷父於

不義不得為無害雖然其心豈有他哉故詩人怨之


曰不瑕有害惟其能不瑕有害也是以怨之云爾

史記

衛世家太史公曰余讀世家言至于宣公之子以婦見誅弟壽爭死以相讓此與晉太子申生不敢明驪姬之過同俱惡傷父之志然卒死亡何其惡也或父子相殺兄弟相殘亦獨何哉

二子乘舟二章章四句

邶國十九篇七十二章三百六十三句



毛詩集解卷三